



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 413
fax. +387 33 726 423
e – mail: info@voda.ba

Broj: **UP-1/21-2-40-359-2/24**

Datum: **07.08.2024. godine**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem „Sektora za realizaciju investicionih projekata“, za izdavanje vodne saglasnosti za aktivnost čišćenja prirodnog korita rijeke Bosne, na lokalitetu između dva mosta na regionalnoj cesti Donja Vogošća - Malešići, na području Općine Vogošća i Ilijaš, na osnovu člana 114., a u vezi sa članom 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE **o vodnoj saglasnosti**

1. Investitoru, «Agenciji za vodno područje rijeke Save» Sarajevo daje se vodna saglasnost za čišćenje korita rijeke Bosne, na lokalitetu između dva mosta na regionalnoj cesti Donja Vogošća - Malešići, na području Općine Vogošća i Ilijaš, po projektnoj dokumentaciji pod nazivom: „Elaborat „Obezbeđenje proticajnog profila rijeke Bosne u općini Ilijaš na potezu između dva mosta na regionalnoj cesti Donja Vogošća - Malešići“, urađena od strane Higracn d.o.o. Sarajevo, septembar 2023. godine.
2. Vodna saglasnost se donosi na osnovu pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljena projektna dokumentacija je urađena u skladu sa osnovnim uslovima iz Rješenja o prethodnoj vodnoj saglasnosti broj: UP-1/21-1-40-041-3/24 od 13.02.2024. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Radove na čišćenju korita rijeke Bosne vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 3.2. Prije početka radova potrebno je obnoviti oznake poprečnih profila koje moraju biti jasno vidljive i rukovaocu mehanizacije koja će se koristiti, a i u cilju lakše kontrole izvršenih radova. Dionice na kojima se vrši čišćenje korita obavezno iskolčiti i iskolčavanje održavati tokom vršenja svih radova.
 - 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa, dnevno izvađenim količinama materijala i svim ostalim podacima koji se uobičajeno vode kod ovakve vrste radova.
 - 3.4. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
 - 3.5. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem planiranih aktivnosti na terenu u skladu sa ovjerenim Elaboratom i uslovima iz ovog rješenja.
 - 3.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.7. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.8. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.

- 3.9. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.10. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.11. Sve eventualne kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Materijal koji ima svoju upotrebnu i tržišnu vrijednost i koji se može dalje koristiti (pijesak, šljunak) koji će se pojaviti kod čišćenja korita rijeke Bosne i čije količine su utvrđene u predmjeru radova iz Elaborata, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine FBiH», broj 58/15).
5. Korisnik vodne saglasnosti je u suradnji sa nadležnim službama Općine Ilijaš i Vogošća dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
6. Ukoliko se izvođenjem radova na čišćenju korita rijeke Bosne na predmetnoj dionici ili drugim aktivnostima vezanim za predmetne radove prouzrokuju štete i naruši stabilnost korita i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
7. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
8. Investitor (korisnik vodne saglasnosti) ostaje u obavezi, kada period izvođenja radova bude tačno preciziran, da najmanje sedam dana ranije obavijesti udruženje građana „Bistro“ Ilijaš i udruženje Sportsko ribolovno društvo „Vogošća“, koja su korisnik ribolovnog prava na ovom području, o početku izvođenja radova u koritu rijeke Bosne na predmetnim lokacijama.
9. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
10. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, «Agencija za vodno područje rijeke Save» Sarajevo putem "Sektora za realizaciju investicionih projekata" Agencije, je podnio zahtjev dana 18.07.2024. godine za izdavanje vodne saglasnosti za čišćenje prirodnog korita rijeke Bosne, na lokalitetu između dva mosta na regionalnoj cesti Donja Vogošća - Malešići, po projektnoj dokumentaciji pod nazivom: „Elaborat „Obezbjedenje proticajnog profila rijeke Bosne u općini Ilijaš na potezu između dva mosta na regionalnoj cesti Donja Vogošća - Malešići“, urađena od strane Higrakon d.o.o. Sarajevo, septembar 2023. godine.

Uz zahtjev za izdavanje vodne saglasnosti dostavljena je slijedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,

- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-45391/12 od 11.12.2012. godine,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine,
- Obavijest Službe za prostorno uređenje i zaštitu okoliša općine Ilijaš, broj: 05/1-19-SI/24 od 18.07.2024. godine, da se predmetni radovi mogu svrstati u radove tekućeg održavanja te za planirane radove nije potrebno donošenje urbanističke saglasnosti i odobrenja za građenje (original i kopija),
- Saglasnost udruženja građana „Bistro“ Ilijaš broj: 05-55/23 od 11.06.2026. godine za realizaciju predmetnih radova (kopija),
- Uvjerenje, Službe za urbanizam i prostorno planiranje općine Vogošća da se predmetni radovi mogu svrstati u radove tekućeg održavanja korita te za planirane radove nije potrebno donošenje urbanističke saglasnosti i odobrenja za građenje,
- Obavijest Službe za geodetske, imovinsko-pravne poslove i katastar nekretnina općine Vogošća, broj: 08-27-63-int/24 od 27.07.2024. godine, da su na predmetnom potezu riješeni imovinsko-pravni odnosi;
- Saglasnost udruženja Sportsko ribolovno društvo „Vogošća“ broj: 03-01-07/24 od 26.07.2024. godine za realizaciju predmetnih radova,
- „Elaborat „Obezbjeđenje proticajnog profila rijeke Bosne u općini Ilijaš na potezu između dva mosta na regionalnoj cesti Donja Vogošća - Malešići“, urađena od strane Higrakon d.o.o. Sarajevo, septembar 2023. godine.

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za predmetno čišćenje korita rijeke Bosne angažirao projektnu kuću „HIGRACON“ d.o.o. Sarajevo, koja je uradila „Elaborat „Obezbjeđenje proticajnog profila rijeke Bosne u općini Ilijaš na potezu između dva mosta na regionalnoj cesti Donja Vogošća - Malešići“, septembar 2023. godine. Navedena projektna kuća posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12);
- Da je od strane ove Agencije, rješenjem broj UP-1/21-1-40-041-3/24 od 13.02.2024. godine, izdata prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - o Preglednu i detaljnu situaciju projektnog rješenja za planirane radove razmjere 1:2500 i 1:1000, sa pozicijom planiranih radova čišćenja i sanacije korita. U projektnoj dokumentaciji je priložen uzdužni profil u razmjeri 1:100/1000 i poprečni profili u razmjeri 1:100 za svaku pojedinačnu lokaciju;
 - o U sklopu Elaborata, koji je usvojen od strane Sektora za realizaciju investicionih projekata, obrađeno je rješenje čišćenja korita rijeke Bosne na predmetnoj dionici vodotoka (L=1200m) gdje treba ukloniti materijal iskopom nanosa, odnosno uređenjem korita, ukloniti šibljе i nisko rastinje, odnosno provesti aktivnosti na održavanju prirodnog vodotoka kako je propisano članom 81. stav (1) Zakona o vodama.
 - o Čišćenje korita i uklanjanje obalske - rubne vegetacije (drveće, šibljе) izvršiti na način da se ne pospješe erozioni procesi i ugrozi stabilnost obala.
 - o Rang zaštite od velikih voda nije definiran i cilj ovih zahvata je smanjenje opasnosti od poplava okolnog područja.

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

Prilog: Ovjeren Elaborat – „Obezbjedenje proticajnog profila rijeke Bosne u općini Ilijaš na potezu između dva mosta na regionalnoj cesti Donja Vogošća - Malešići“, urađena od strane Higrakon d.o.o. Sarajevo, septembar 2023. godine.



Po ovlaštenju
Rukovodilac sektora za izdavanje
vodnih akata

Nihad Pezo, dipl.inž.građ.

Dostaviti:

- «Agencija za vodno područje rijeke Save», Sektor 30 (Prilog)
- ➔ AVP Sava, ISV – Vodna knjiga
- Sektor 40, arhiva
- oglasna ploča AVP – Sava